

四庫全書

子部

欽定四庫全書

格致鏡原卷六十二

大學士陳元龍撰

蔬類一

總

爾雅菜謂之蔬亦曰藪不熟曰饅 禮記仲秋之月命
有司趨民務蓄菜註菜以助穀之不及故收之為備

詩大雅其藪維何註藪菜也郭璞曰藪菜茹總名 周
禮聚斂疏材鄭注疏材百草根實可食者 枚乘七發

秋黃之蘇白露之茹 金樓子秦始皇遣徐福入海求

金菜玉蔬 梁書武帝大官常膳唯以菜蔬 李綽秦

中歲時記二月二日曲江拾菜士民遊極盛 夢華錄

立春日食生菜取迎新之意 漢書西域傳罽賓地溫

和冬食生菜 魏志倭國地溫和冬夏食生菜 清異

錄馬希範病酒厭膏膩袁居道曰大王今日使得貧家

纏齒羊詢其故則謂蔬茹也 豫章記宋宇種蔬三十

品時雨之後按行園圃曰天茁此徒助予鼎俎 杜蘭

香別傳香降張碩齋七子標標多菜而無他味亦有世
間常菜輒有三種色或丹或紫并有非時菜碩云食之
亦不甘然一食七八日不飢 清異錄有神曰紫相公
主一方蔬菜之屬所隸有天使主豐有辣判官主儉

葵

總論 說原蔬植三百六十葵為之長 豳風七月亨

葵及菽 說文葵菜也 周禮醯人饋食之豆其實葵

菹 繆襲祭儀夏祀和羹芼以葵 王禎農書葵陽草

也 本草古人採葵必待露解故名露葵今人呼滑菜
潘岳閒居賦菜則綠葵含露 崔寔月令六月六日
可種葵中伏後可種冬葵九月作葵菹乾葵 齊民要
術種葵三十畝勝十頃穀今世葵有紫莖白莖二種春
必畦種水澆而冬種者有雪勿令從風飛去每雪輒一
勞之勞雪令地保澤葉又不蟲搗必待露解收必待霜
降傷晚則黃爛傷早則黑澀也 農桑通訣葵為百菜
之主備四時之饌本豐而耐旱味甘而無毒供食之餘

可為菹腊枯枿之遺可為榜簇咸無棄材誠蔬茹之上品也 蔬譜葵甚易生地不論肥瘠宜於不堪作田之地多種以防荒年採瀹曬乾收貯 博物志陳葵子微炒令爆吒散著熟地中遍踏之朝種暮生 物類相感志犬死取葵根塞鼻良久乃活也

詳類 爾雅蠶苦董註今董葵也葉似柳子如米汋食之滑 爾雅希莢葵註希一名莢葵似葵而小葉狀如藜有毛汋啖之滑 本草唐注莢葵苗如石龍芮葉小

光澤花白似梅莖紫煮汁極滑堪噉所在平澤皆有之
廣雅歸丘葵也 楚辭紫莖屏風文緣波些註屏風
水葵也生於池其莖紫色 本草圖經冬葵苗葉作菜
茹更甘美 食醫心鏡龍葵作羹粥食之並得 圖經
龍葵惟北方有之北人謂之苦葵 本草唐注龍葵即
關河間謂之苦菜者葉圓花白但堪煮食不任生噉
格物論菜葵為百菜主味甘性滑夏種秋採者為秋葵
秋種冬採者為冬葵正月復種者為春葵最小者名鴨

脚葵

菘

通雅菘亦菜之總名周顒曰秋末晚菘晚菘即今之白菜陸佃埤雅菘性凌冬不彫四時長見有松之操本草以為久耐霜雪也格物論菘有二種有春菘有秋菘性和利以菘種北地即化為蕪菁以蕪菁種南地即化為菘清異錄江右多菘菜鶯筍者惡之罵曰筍奴菌妾菜譜菜中有菘最為常食其子可作油傅頭長

髮塗刀劍不縮 段成式食品有蒲葉菘

楊誠齋名白菜為水晶菜 本草最肥大者名牛肚菘

正字通今南京京口之菘為上曰箭竿白又四月梵

即油菜開花黃如金摘心為菜茹其旁心結子可榨油

又菘即今蹋菜歲暮生皆蹋地不起 蔬譜北京人取

入窖壅培不見風日長出苗葉皆嫩黃色脆美無滓謂

之黃芽菜 戒菴漫筆杭州俗呼黃矮菜為花交菜謂

近諸菜多變成異種民間嘗以此詈人如魚中之鰠也

事物原始恭音甜菜似升麻蒸食之本草恭一名蒼

達菜

芥

禮內則魚膾芥醬又膾秋用芥字說芥者界也發汗散氣界我者也農書芥氣味辛烈菜中之介然者

吳氏本草芥菹一名水蘇一名勞祖疏譜青芥葉大

子粗葉似崧有毛味辣可生食紫芥莖葉純紫作蘆最美白芥一名胡芥一名蜀芥高二三尺葉青白色為茹

甚美莖易起而中空性脆畏狂風大雪他如南芥刺芥
旋芥馬芥花芥石芥芸臺芥之類皆菜之美者又大芥
名皺葉芥大葉皺文色綠味辛冬食者俗呼臘芥春食
者春芥四月食者夏芥芥心嫩臺謂之芥藍 物類相
感志收芥菜子宜隔年者則辣 學圃雜疏芥多種以
春不老為第一 劉恂嶺南異物志南土芥高五六尺
子大如雞子 花木考廣州人以巨芥為醃菹埋地中
三十年貴尚親賓以相遺餉 酉陽雜俎末多國有掌

中芥

互見
草類

蔥

總論 曲禮凡進食之禮蔥蒜處末 內則膾春用蔥
又脂用蔥又切蔥若薤實之醢以柔之 清異錄蔥能
和調衆味名和事草 本草綱目蔥一名菜伯 埤雅
桂得蔥而軟蔥葷菜也五葷鍊形蔥其一也 齊民要
術種蔥良地三翦薄地再翦八月止不止則蔥無袍而
損白蓋蔥肉曰白其青謂之袍 崔寔月令三月別小

蔥六月別大蔥夏蔥曰小冬蔥曰大 晉令居洛陽內
園菜其引長流灌紫蔥丁各三畝 地鏡蔥下有銀光
隱隱白山有蔥石下有銅若金銀也 西河舊事蔥嶺
在燉煌西其山生蔥

詳類 爾雅荅山蔥郭註細莖大葉 本草入藥用山
蔥胡蔥食用凍蔥漢蔥能消穀 疏譜初生曰蔥針葉
曰蔥青一種凍蔥即冬蔥夏衰冬盛莖葉氣味俱軟美
分莖栽蒔而無子人稱慈蔥又稱大官蔥謂宜上供也

一種漢蔥春末成叢冬即枯一種胡蔥狀似大蒜而小
又名蒜蔥又名回回蔥生沙地者名沙蔥又有一種樓
蔥人呼為龍角蔥每莖上葉出歧如八角故名清異
錄盤盞蔥趙魏間有之幾如拄杖麤但盈尺耳唐書

西域泥婆羅貞觀中遣使入獻渾提蔥事物原始吉
州有水晶蔥漢武內傳西王母曰仙人上藥有玄都
綺蔥吳均餅說河東長若之蔥

紀異物類相感志浣川有孤山山有蔥如人所種人

時往取拔輒斷絕請神而求不拔自出 搜神記新野
趙貞家園中種蔥忽一日盡縮入地後歲餘貞之兄弟
相次分散 升菴外集晉時長安僧寺蔥化為莖

蒜

說文蒜葷菜也 夏小正十二月納卵蒜 古今注蒜
卵蒜也俗謂之小蒜胡國有蒜十許子共一顆穰裏之
名胡蒜辛於小蒜俗因呼為大蒜 孫愐唐韻漢張騫
使西域始得大蒜種歸中國 蔬譜小蒜一名澤蒜又

有石蒜 爾雅蒿山蒜邢疏蒜生山中者名蒿 升菴
外集苴菜名生水邊温州有之名沙蒜 事物原始蒿
俗名老鴉蒜 清異錄五代宮中呼蒜為麝香草 農
書潤州京口有蒜山多出蒜 魏志華佗見一人病咽
塞嗜食而不得下語之曰向見賣餅家蒜齏大酢從取
三升飲之病自當去即如佗言立吐蛇一枚 物類相
感志孫炎云帝登蒿山遭猶茅草毒將死得蒜乃齧之
解毒乃收藏植能利豚魚之毒懾諸腥羶矣 本草陳

藏器曰昔有患瘰癧者取大蒜合皮截去兩頭吞之名曰內灸果獲效 志雅堂雜抄金花定碗用大蒜汁調金描畫然後再入窑燒永不復脫

韭

呂氏春秋堯時天降精為韭 詩豳風獻羔祭韭 禮記韭曰豐本 周禮醢人朝事之豆其實韭菹 爾雅翼韭者嬾人菜以其不須歲種也 本草韭是草鍾乳莖名韭白根名韭黃花名韭薺薺之美在白韭之美在

黃黃乃未出土者 埤雅韭性內生根喜上跳故種與
葵同法而畦欲極深 齊民要術韭高三寸便翦一歲
之中不過五翦凡翦不宜日中 戒菴漫筆韭菜最忌
零陵香輒消死 爾雅藿音育山韭邢疏韭生山中者名
藿 彙苑山韭生大伾山石罅中可療心疾或曰唐徐
勣遺種也 北戶錄水韭生池塘中葉似韭有二三尺
者五六月堪食不葷而脆 宇林簽水中野韭也 本
草諸葛韭諸葛亮所植韭更長孝文韭生塞北山谷中

狀如韭魏孝文帝所植 四民月令八月收韭菁擣作

齏 郭璞爾雅注俗呼韭根為葍 劉基菜窩說植韭

以為之君韭者久也所以久吾生也 真誥務光服煎

韭以入清泠之淵 郭林宗別傳林宗有友人夜冒雨

至剪韭作炊餅今洛人效之 晉書石崇每冬月得韭

菠齏是擣韭根雜以麥苗耳 南史文惠太子問周顒

菜食何味最勝顒曰春初早韭 南史庾杲之清貧食

惟有韭菹淪韭生韭雜菜任昉嘗戲之曰誰謂庾郎貧

食鮭嘗有二十七種

雞跖集李崇為尚書令食嘗無

肉止有韭茹韭菹李元祐謂人曰李令公一食十八種人問故元祐曰二韭十八

清異錄杜頤食不可無韭

人或候其僕市還潛取棄之頤怒罵曰安得去此一束金也齊諧記江夏安陸縣郭坦有兒忽病後日食斛

餘米五年遂至罄貧乃令自覓食飢不可忍後門有三

畦韭一畦蒜因噉兩畦便大悶極卧地大吐吐一物似

龍漸大撮飯著所吐物上即消成水病遂差水經注

恨縣東亭村北山甚高峻上合下空傍生野韭人往乞者神許則風吹別分隨偃而輸不得過越漢武內傳西王母曰仙之次藥有八阮赤韭

薤

禮少儀為君子擇蔥薤則絕其本末註為有須乾者絕之內則膏用薤爾雅薤同薤鴻薈郭註即薤菜邢疏

本草謂之菜芝是也本草薤江南呼為藟子別名薇

百陽薤俎蔬薤白華一名守宅一名家芝爾雅薤

山薤邪疏葉似韭 農書野薤俗名天薤生麥原中葉
似薤而小味益辛亦可供食 洞冥記烏哀國有龍爪
薤長九尺色如玉和紫桂為丸服之不飢語曰薤和膏
身生毛 列仙傳昔人有隱華山服亢薤之葉以成亢
薤之精久而服之乃為羽化 无上秘要五光七白靈
蔬者薤菜也法當種薤菜使五月五日不掘拔者唯就
鋤壅護治之經涉五年中乃取任藥名為五光七白靈
蔬 酉陽雜俎仙藥有八天赤薤 列仙傳務光服蒲

薤根 埤雅薤宜白輒良地種法一本率七八支諺曰
蔥三薤四言種蔥者三枝一科薤即四之也支多者科
輒圓大故以七八為率 本草衍義薤葉狹而光古人
言薤露以其光滑露易墜也 農書薤生則氣辛熟則
甘美種之不蠹食之有益 晉書庾亮噉薤雷白云可
以種 酉陽雜俎山上有薤者下有金

薑

春秋運斗樞璇星散而為薑 禮諸侯燕食所加三十

一物終薑桂 檀弓曾子曰喪有疾飲酒食肉必有草木之滋焉以為薑桂之謂也 史貨殖傳千畦薑與千戶侯等 說文薑禦濕菜也 王安石字說薑同彊我者也於毒邪臭腥寒熱皆足以禦之 清異錄生薑名百辣雲 彙苑詳注薑一名番韭 方言薑之小者謂之穰菜 朱晦菴咏子薑詩注本草載薑久食去臭氣通神明或云傷心氣不可多食者非 正字通因其新芽曰子薑或因其初生如列指狀尖色微紫曰紫薑宿

根復種為母薑 格物論薑葉似竹箭葉而長兩兩相對苗青根黃無花實 呂氏春秋和之美者陽濮之薑 洪舜俞老圃賦酣糟紫薑之芽 異物志廉薑生沙石中南人以為齏鄭樵曰似山薑而根大 志林唐人煎茶用薑 清異錄釋鑒興天台山居頌糟雲上筋謂糟薑也

姜

韻略姜香菜也 蔬譜根軟而白多鬚綏綏然故謂之

萆 博物志張騫使西域得胡萆俗呼原萆 鄴中記
石勒改胡萆為香萆今呼為鹽萆 格物論胡萆根苗
莖葉皆細可作羹冬蔬也一種石胡萆止堪入藥非此
江南野錄俗傳種胡萆口誦猥語則茂皇祐館閣中
或談論則曰宜撒胡萆一巡

薺

詩豳風其甘如薺 本草薺生濟濟故謂之薺釋家取
其莖作挑燈杖可辟蚊蛾謂之護生草 爾雅薺莖大

薺注薺葉細俗呼之曰老薺又羞薺實食物本草小

者為薺大者為薺莢又名薺薺又名大薺邢昺爾雅

疏薺味甘人取其葉作菹及羹亦佳師曠古術歲欲

豐甘草先生謂薺也通志薺甚小自生園圃郭湜

高力士外傳力士流巫州見薺菜土人不解弊賦詩云

兩京稱斤買五溪無人采夷夏雖有殊氣味應不改使

拾之為羹甚美東坡與徐十三書今日食薺甚美天

然之珍不甘於五味而有味外之美陳達叟疏食譜

東坡有食薺法且曰天生此物為幽人山居之福 野
菜譜江薺臘月生又有倒灌薺碎米薺蒿菜薺掃帚薺
正字通正二月開花名蝸螺薺俗呼地英菜

莧

易夬五爻莧陸夬夬宋衷注莧菜柔脆之物程子易傳
陸馬齒莧也 爾雅蕒赤莧郭註赤莧一名蕒今莧菜
之赤莖者也 張揖廣雅馭音豚耳馬莧也 學齋佔畢
董遇注易曰莧人莧也余意世有稱馬齒莧者故以人

字別之及見本草云萵實一名馬萵行義曰苗又謂之人萵紅色者謂之紅人萵後又別載馬齒萵然後詳人萵馬萵之別 高濂野菽品野萵夏采熟食拌料炒食

俱可比家萵更美 蔬譜赤萵一名花萵又紫萵色白

而大者名白萵又野萵謂之細萵一名胡萵北方呼為糠萵又黑汁者名墨萵又馬齒萵苗與家萵別一名五

方紺珠方草一名長命縷一名九頭獅子草又俗呼青

作行

箱苗為雞冠萵亦可食 奇書馬齒萵一名醬辦草

紺珠鼠齒莧灰莧 字說莧除翳 孟貫藥性論序紅
莧為跛翳之還丹 方書青泥殺翳得莧復生故食翳
忌食莧 博物志五六月取生翳剉如棊子搗赤莧汁
合和以茅包之投地中經旬齿成翳

茄

芝田錄隋煬帝改名茄子為崑崙紫瓜方家治瘡方謂
之草鼈甲 格物論茄凡三色青紫白一名落蘇五代
貽子錄作酪酥 清異錄落蘇名崑味 酉陽雜俎茄

子熟者食之厚腸胃動氣發疾根能理竈瘰

足根凍瘡也

嶺

南茄子宿根成樹高五六尺有新羅種者色稍白形如

雞卵 花木考大食國茄樹高丈餘經三四年不瘁子

大如西瓜重十餘觔以梯摘之 物類相感志茄樹開

花時取葉布路旁以灰圍之則結子纍纍謂之嫁茄

山谷集茄之老者如穀名穀子茄又有謝送銀茄詩

滇南雜記緬茄出緬甸大而色紫蒂圓整蠟色者佳今

會城絕不可得多以小者於蒂上刻人物鳥獸之形過

滇中者多市之而滇人亦以此贈遠 蔬譜白者名渤海茄大如甌又一種白而扁謂之番茄一種水茄形稍長甘而多津 南史梁蔡樽在吳興齋前自種白莧紫茄以為常餌 農書茄視他菜最耐久供膳之餘糟鹽豉醋無所不宜須廣種之

苦菜

禮月令孟夏苦菜秀 爾雅荼苦菜疏味苦可食之菜也一名荼草一名選一名游冬 陸璣詩疏苦菜生山

田及澤中得霜甜脆而美所謂薑茶如飴內則云濡豚包苦用苦菜是也 易緯苦菜生於寒秋經冬歷春乃成 顏氏家訓茶葉似苦苣而細斷之有白汁 唐本草注吳葵即關河間謂之苦菜者 升菴外集俗作鵞兒菜又名野苦蕒

蓴

詩魯頌言采其茆陸疏江東或謂之水葵朱註茆鳧葵也江南人謂之蓴菜 埤雅蓴逐水性滑故謂之淳菜

顏氏家訓蔡朗父諱純遂呼蓴菜為露葵 庶物異

名疏鮑躑韻藻謂即蓴菜又名水戾 疏譜一名錦帶

一名馬蹄草 齊民要術蓴性易生種以深淺為候水

深則莖肥葉少水淺則葉多莖瘦 格物論蓴生水中

葉似鳬葵一名懸葵春生莖而未生葉名雉尾蓴細長

肥滑三月至八月葉舒長細如釵股名絲蓴九月至十

一月名猪蓴一名龜蓴又有石蓴絲最繁 偃曝談餘

春蓴如亂髮不足異秋蓴長丈許凝脂甚滑季鷹秋風

正饒此也 墨莊漫錄杜子美祭房相國九月用蓴鮓之羹蓴生於春至秋則不可食不知何謂而張翰亦以秋風動而思蓴鱸鱸固秋物而蓴不可曉也 長箋入秋為油蓴 雞跖集蓴入七八月不中食有蝸蟲故也至十月冰凍蟲死雖老猶可食 酉陽雜俎蓴菜之根絕美江東謂之蓴龜 野客叢談陸機曰千里蓴羹千里地名在建康境上其地所產蓴菜甚佳

菰

周禮食醫魚宜苽

苽同

說文蔣菰也

廣雅蔣菰其米

曰彫胡

西京雜記太液池雕胡紫籜綠節菰之有首

者謂之綠節

彙苑蔣又名茭白葉如蒲葦中心生白

臺如小兒臂為菰米臺中有黑者為烏鬱下澤處曰菰

封苗莖硬者曰菰蔣秋實即彫胡米也

留青日札烏

鬱俗名灰茭自有一種米茭其不能結實者茭白也

學圃雜疏茭白以秋生吳中一種春生曰呂公茭以非

時為美初出時煮食甜軟據爾雅翼云苽即菰蔣之類

曰菰首者即今之茭白也然菰實有米而今茭白未聞有之或者野茭乃生米也 廣志菰可以為席溫於蒲升菴外集管子謂之雁膳以雁食之也

芹

爾雅芹楚葵郭注今水中芹菜 詩經言采其芹 周禮醢人加豆之實芹菹兔醢 呂氏春秋菜之美者雲夢之芹 本草注荻芹取其根白色赤芹取其莖葉堪作菹又有馬芹俗謂胡芹其子可調飲食 蔬譜旱芹

生平地紫芹生陰崖陂池近水石邊 本草水芹一名
水英陶注二月三月作英時可作菹及瀹食之又有渣
芹可為生菜亦可生啜 爾雅翼白芹舒斲多有之土
人呼為白芷 龍城錄魏徵好嗜醋芹

蕨

詩台南言采其蕨 爾雅蕨鼈疏蕨一名鼈初生無葉
可食 陸璣草木疏蕨山菜也周秦曰蕨齊魯曰鼈初
生似蒜莖紫黑色 埤雅蕨狀如大雀拳足又如足之

魔故謂之蕨俗云初生者亦類鼈脚故亦名鼈也 廣
雅苾蓐蕨也 本草紫蓐似蕨有花而味苦謂之迷蕨
三蒼謂之紫蕨 格物論蕨根如紫草莖亦青紫色末
如小兒拳二三月山中人採作茹食之 曲洧舊聞具
茨山亦產蕨採藥者曰其根即黑狗脊也具茨人雖採
蕨為蔬茹然不知其名但呼為小兒拳 搜神記郝鑒
出獵有甲士折一莖蕨食之成疾吐出一小蛇懸屋前
漸乾成蕨乃知此物不可生食 窮幽記猿啼之地多

蕨每一聲遽出萬莖

薇

史伯夷傳登彼西山兮采其薇矣 儀禮公食大夫禮
鉶芼豕以薇 爾雅薇垂水邢昺疏草生於水濱而枝
葉垂於水者曰薇也 草木疏薇山菜莖葉似小豆蔓
生味如小豆藿可羹亦可生食今官園種之以供宗廟
祭祀 本草薇有二種生原谷似柳葉者白薇也生水
傍葉似萍者薇也 朱子詩傳薇似蕨而差大有芒而

味苦山間人食之謂之迷蕨 月令廣義薇即今灰條
菜紅者佳白曰蛇灰有毒 演繁露說文薇似藿藿豆
也豆葉本圓而末尖皮微皺澀薇葉正與之肖山中極
多吾鄉俗呼苦遮味苦以芼火肉最相諧宜其苗春則
盛發至秋老硬然不萎死雖雪中亦可采也采薇之詩
曰薇亦作止謂春而茁也薇亦柔止謂及夏而大脆
也薇亦剛止謂霜露降而苗葉堅勁也 拾遺記咸寧
中立芳蔬園於金墉城東多異菜有菜曰雲薇有實如

珠五色色紫為上蔬味辛色黃為中蔬味甘色青為下
蔬味鹹宮人採帶其莖香氣不散

苜蓿

史記大宛國馬嗜苜蓿漢使得之種於離宮 西京雜
記苜蓿一名懷風一名光風風在其間嘗蕭蕭然茂陵
人謂之連枝草 庶物異名疏苜蓿胡中菜張騫得之
西戎予過臨濟間見其花紫而長初枝可作羹和麩花
已則刈送驢前矣時乾燠諸禾悉槁惟此獨茂何大復

詩沙寒首菰短以其惡水也 詞林海錯首菰爾雅注
作菰菰漢志作目宿 正字通首菰二月生苗一科數
十莖一枝三葉葉似決明小如指頂可茹秋後結實黑
房米如稭俗呼木粟 本草首菰北人甚重江南人不
甚食以其無味也 陸深蜀都雜抄古稱黎杖黎即首
菰養之歷霜雪經一二歲其本修直生鬼面可杖取其
輕而堅

蘆服

爾雅葵蘆葩耶注葩宜作蕒邢疏紫花松也俗呼溫松
葉似蕒菁大根一名葵俗呼電葵一名蘆蕒今謂之蘿
蔔 孫愐唐韻魯人名蒞邈秦人名蘿蔔 農書北人
一種四名春曰破地錐夏曰夏生秋曰蘿蔔冬曰土酥
埤雅蘆蕒一名萊蕒又名萊服言萊薺之所服也

學圃雜疏蘿蔔須長而白如雪甜而消如梨者乃稱絕
品 後漢劉盆子傳掘庭中蘆蕒根食之 澄懷錄劉

禹錫餽白樂天蘆蕒鮮換取六斑茶 東坡雜記偏頭

疾方用生蘿蔔汁一蜺殼注鼻中即愈 清異錄王奭
不許子弟仕宦止令種火田玉乳蘿蔔壺城馬面松每
年可致十緡 金幼孜北征錄交河北有沙蘿蔔根長
二尺許 蔬譜水蘿蔔淡脆可生食 奇書胡蘿蔔元
時始自胡地來 蔬譜生沙壤者脆而甘生瘠地者堅
而辣可生可熟可菹可醬可豉可醋可糖可腊蔬
之最有益者 洞微志齊州有人病狂云夢中見紅裳
少女引入宮殿中其小姑令歌遂歌云五靈樓閣曉玲

瓏天府由來是此中惆悵悶懷說不盡一丸蘿蔔火吾
宮一道士解之云少女心神小姑脾神火毀也醫經言
蘿蔔制麪毒故曰火吾宮此犯大麥毒也以藥並蘿蔔
治果愈

蔓菁

詩國風采芣采菲註葍蔓菁也 蔬譜蔓菁一名蕪菁
呂氏春秋菜之美者具區之菁 草木疏蔓菁幽州
人或謂之芥 埤雅今俗謂之臺菜 劉禹錫嘉話錄

諸葛武侯行軍所止必令兵士皆種蔓菁云有六利纔
出甲可生啖一也葉舒可煮二也久居則隨以滋長三
也棄不令惜四也回即易尋而采之五也冬有根可劘
食六也故蜀人呼蔓菁為諸葛菜 蔬譜人久食蔬菜
無穀氣即有菜色食蔓菁者獨否蔓菁四時皆有四時
皆可食春食苗初夏食心亦謂之臺秋食莖冬食根數
口之家能蒔數百本亦可終歲足蔬子可打油然燈甚
明每畝根葉可得五十石每三石可當米一石是一畝

可得米十五六石則三人卒歲之需也 本草李時珍
曰別錄以蔓菁蘆服同條致諸說猜度或以二物為一
種或謂在南為菜服在北為蔓菁今按二物根葉花子
俱別非一類也蔓菁是芥屬蘆服是菘屬 酉陽雜俎
婺州僧清簡園中蔓菁變為蓮 爾雅翼蔓菁園中無
蜘蛛是其所畏也

萵苣

清異錄萵苣名千金菜 周國使者來隋人求得菜種酬

之甚厚故名 格物論萬苣菜有白苣葉有白毛有紫
苣有苦苣即野苣也味苦又名禰苣今人家常食者白
苣江外嶺南無白苣嘗植野苣以供廚饌 蔬譜萬苣
四月抽莖高三四尺剝皮生食味清脆糟食甚佳江東
人謂之苣筍 學圃雜疏萬苣絕盛於京口鹹食脆美
即旋摘烹之亦佳 本草萬苣有毒百蟲不敢近蛇虺
觸之則目瞋不見物人中其毒薑汁解之 類山胡扇
即苦苣菜

菠薐

本草菠薐一名菠菜一名波斯菜一名赤根菜 唐會
要貞觀中泥婆羅國獻菠薐酢菜 嘉話錄菠薐本自
西域中來韋絢曰豈非出頗秣國而語訛為菠薐耶

清異錄鍾謨嗜菠薐菜文其名曰雨花菜又以萋蒿菜
服菠薐為三無比 格物論菠薐莖微紫葉圓而長綠
色性冷利五臟通腸胃 蔬譜菠菜味甘美四月起臺
尺許開碎白花有雌雄雄者結實 種樹書菠薐過月

朔乃生今月初一二間種與二十七八間種者皆過來
月初一乃生

諸菜

陸璣詩疏莫莖大如箸赤節節一葉似柳葉厚而長有
毛刺味酢而滑始生可為羹又可生食五方通謂之酸
迷冀州人謂之乾絳河汾之間謂之莫 邢昺爾雅疏
菲一名蔥菜郭云生下濕地似蕪菁華紫赤色可食
爾雅旁隱蔥郭璞注似蘇有毛藏以為菹亦可瀹食

爾雅薊葦竊衣疏薊葦一名竊衣似芹可食實如麥兩
兩相合有毛著人衣俗名鬼麥 齊民要術薊菜味辛
荇菜似蒜生水中菹菜紫色有藤薊菜葉似竹生水旁
薊菜似薊薊菜似烏韭而黃薊菜生水中大葉 呂氏
春秋菜之美者雲夢之薊廣雅薊似蕨生水中 南方
草木狀綽菜夏月生池沼間葉類茨菰根如藕食之思
睡呼為瞋菜又薊菜葉如落葵而小性冷味甘南方之
奇蔬也治葛有大毒以薊汁滴其苗即萎死世傳魏武

噉治葛至一尺云先食此菜 漢武內傳西王母曰仙

之上藥有碧芝琅菜 呂氏春秋餘簪之南有菜名嘉

樹其色若碧 異苑晉安平有越王餘蒜菜長尺許白

者似骨黑者如角古云越王曾於舟中作籌算有餘者

棄之水而生焉 唐書貞觀中健達王獻佛土菜一莖

五葉赤葉紫鬚 酉陽雜俎江淮有孟娘菜並益肉食

盧氏雜記番禺有菜四葉相對晝開夜合名合歡菜

雲南志蓮花菜出大理府洱河東上滄湖相傳大士

化箭鏃所成 松漠紀聞女真國採白勺藥之芽為菜
以麵煎食之其味脆美 嶺南志龍顛菜似椿樹頭
有刺似白芥菜 廣州記雞侯菜似艾二月生宜雞羹
故名 天中記安南有羞菜蔓生水上甘美可食人指
之曰汝羞否即時憔悴人去青如初 華夷花木考龍
鬚菜出萊州繁生海中石上莖如繒色始青取之沃以
水乃白一名繒菜又高河菜點蒼山高河泉所出高河
乃龍湫若高聲採之則雲霧風雨 廣州記冬風菜陸

生宜配肉作羹 海錄碎事醃醃菜葉似道人頭根如
水芹味甘香 本草醃醃菜似牛皮蔓生指之有乳汁
出香甜入頂又有蕺菜茅膏菜金針菜劉隱菜 遁甲
開山圖遼東有襄平山多饒鬼目之菜生而有神虎龍
蛇大魚守之雲氣覆之食之令人不死 晉書吳天紀
三年建鄴有鬼目菜于工黃狗家生依緣棗樹長丈餘
莖廣四寸厚二分又有蕺菜生工吳平家高四尺如枇
杷形上圓徑一尺八寸莖廣五寸兩邊生葉綠色 草

木狀合浦有菜名優殿以豈醬茹食之甚香美 彙苑
羅漢菜出蘄州三角山又石花菜一名瓊枝即越中鹿
角菜之類 庶物異名疏謝華啓秀云燕蓐蔬嶺南名
燕窩菜海燕拾海上無毒香蔬結巢燕去巢後人取而
煮食之其味芳香脆美在百蔬之上按此別是一種非
今之燕窩也 王世懋閩部疏燕窩菜竟不辨是何物
漳海邊有之蓋海燕所築銜之飛渡海中翮力倦則擲
置海面浮之若杯身坐其中久之復銜以飛多為海風

吹泊山澳海人得之以貨 遯齋間覽甕菜來自

東夷古倫國以甕盛之譯不通但言甕菜 事物

原始金線菜即今之金線白頭菜也 東坡詩序

菜之美有吾鄉之巢故人元脩嗜之因謂之元脩

菜 放翁詩序巢菜乃蜀蔬大巢蔬豆之不實

者小巢生稻畦中所謂元脩菜是也吳中名漂搖草一

名野蠶豆 坡詩注豐湖有臘脂藤菜滑美大類蓴

彙苑石髮吳越有之然以新羅者為上彼國呼為金毛

菜 益部方物略記真珠菜戎瀘等州有之生水中石
上翠縷纖蔓首貫珠蜀人以蜜熬食之或以醢煮可致
數千里不壞 紺珠海絲菜出遼東藤菜出豐湖紫菜
生海中石上 野菜譜四明有菜名雪裏蕪雪深諸菜
凍損此菜獨青又有破破衲抓抓兒絲蕎蕎板蕎蕎猪
殃殃油灼灼看麥娘燕子不來香燈蛾兒天藕兒狗脚
迹猫耳朵鴈腸子老鸛筋諸菜名

格致鏡原卷六十二

欽定四庫全書

格致鏡原卷六十三

大學士陳元龍撰

蔬類二

蕈

附木耳

蘑菇

總論 爾雅中馱菌郭注地蕈似蓋今呼土菌可啖一
名馱廚孫炎曰地蕈子或名地雞亦名獐頭 潛夫論
中堂生負苞注負苞朽木菌也 說文蕈桑蔞也謂菌
生木上也 呂氏春秋和之美者越駱之菌 北史魏

正始二年八月有物出於太極之西序崔光以為案其形即莊子所謂蒸成菌者也又云朝菌不知晦朔雍門周所稱磨蕭斧而伐朝菌指言蒸氣鬱長非有根種柔脆之質彫殞速易不延旬月無擬蕭斧又多生墟落穢濕之地罕起殿堂高華之所而茲菌歛構厥狀扶蘇誠足異也 酉陽雜俎宋州莆田縣破崗山唐武宗二年巨石上生菌大如合簣莖及蓋黃白色其下淺紅盡為過僧所食云美倍諸菌

詳類 陳仁玉菌譜合葦出仙居韋羌山褐色肌理玉
潔薌味發釜鬲間百步外凡菌皆無香獨合葦香與味
稱始名台葦昔嘗上進標以台菌上遙見誤讀作合因
承誤云年來既充苞貢山獠得善價率曝乾以售罕獲
生致孟溪山中亦同時產惟葦柄高無香氣土人以是
別於韋羌焉稠膏葦出邑西北孟溪山秋中雨露浸釀
山膏木腴倍為菌花戢戢多生山頂樹杪初圓瑩類輕
酥滴乳淺黃白色味尤甘勝已乃傘張大幾掌味頗渝

矣春時亦間生稠膏得名謂稠木膏液所生也鬻法當
徐下鼎瀋伺涓沸漉起謹勿七撓撓則涎腥性參和衆
味而特全於酒或欲致遠則復湯蒸熟貯之瓶罌栗殼
葷寒氣至稠膏將盡則栗殼其續也松葷生松陰採無
時竹葷生竹根味極甘麥葷多生溪邊沙壤鬆土中俗
名為麥丹味殊美絕類北方摩姑玉葷生山中初寒時
色潔皙如玉作羹微韌俗名寒蒲葷黃葷叢生山中梔
鬱黃色俗名黃纈葷又有名黃狔者殊峭硬有味紫葷

頰紫色俗名紫富蕈品為下四季蕈生林木中味甘而
肌理麤峭不入品鵝膏蕈狀類鵝子久乃織開味殊甘
滑然易與杜蕈相亂 潘之恒廣菌譜杉菌出宜州生
積年杉木上雷蕈出廣西橫州雷過即生須疾採之稍
遲則腐或老天花蕈出五臺山形如松花而大於斗
酉陽雜俎江淮有竹肉味如白樹雞一名竹蓐 荊溪
疏竹茹蕈也小如錢赤如丹砂風味極佳 本草蘄菌
李時珍曰當作萑乃蘆葦下所生菌也 清異錄保太

中村民於爛木上得菌幾一擔狀如蓮花葉而色赤黃
因呼題頭菌 正字通冬春之交斫楮楠木以米汁沃
之而生雨雪多則盛香者曰香蕈出閩粵北方有磨菰
羊肚俗曰地蕈 稽神錄豫章人好食蕈有黃姑蕈者
尤為美味 成都記綿州淨慧寺近地人多捕魚為業
僧惠寬與受戒且曰爾輩不當以此為給吾能令汝所
得不失於舊因指其池畔盡生菌蕈漁人採之省力得
利後人呼為和尚蕈也 升菴外集雞菌菌如雞冠也

故雲南名佳菌曰雞塊鳥飛而斂足菌形似之故以雞
名有以也 七脩類藁雲南土產地蕈詩書本菌子也
而方言謂之雞宗以其同雞烹食至美之故予問之土
人云生處蟻聚叢之蓋以味香甜也 物類相感志菸
蕈生西海曲中延蔓長百餘尺細葉而葩大如盂椀紫
赤色夜沈於水實如雞卵白色 雲仙雜記齊文宣帝
凌虛宴取香菌以供品味有銅釘菌分綠菌

異菌 內觀日疏謝幼貞嗜菌庭中忽生一菌狀若飛

烏沈子玉曰此謂禽芝以處女中單覆之則活煮食之
可數百歲謝入取中單有鄰女乞火跨之翩然飛去謝
但嘆恨而已 珍珠船李涼公鎮朔方有毗園樹下產
菌一本其大數尺上有樓臺中有二叟對博刻成三字
曰朝榮觀公令毗掘地數尺有巨蟒目光如鏡吐沫成
菌

毒菌 菌譜杜菌生土中俗言毒蠱氣所成食之殺人
凡中其毒者必笑解之宜以苦茗雜白礬勺新水咽之

立愈 避暑錄楓樹菌食之笑不止俗名笑菌 清異錄菌有一種食之令人乾笑者士人戲呼為笑矣乎

陳氏拾遺南夷懸尸於樹汁滴入地生菌予收之名菌藥毒人至酷 北夢瑣言江夏漢陽縣出毒菌號茹閭非茅蒐也每歲供進縣司常令人於田野間候之苟有此菌即立表示人不敢從下風而過避其氣也採之日以竹竿芟倒遽捨竿於地毒氣入竹一時爆裂直候毒歇仍以櫟柳皮蒙手以取用鹽包之亦櫟柳皮重裹縣

牢封印而進其齋致役夫倍給其直為其道路多為毒
薰以致頭痛也張康隨侍其父宰漢陽備言之人有為
野菌所毒而笑者煎魚樵汁服之即愈僧光遠說也

五雜組凡菌為羹照人無影者不可食夷堅志載金溪
田僕食葷嘔血死唯丘岑幸以痛飲而免蓋酒能解毒
也

木耳

說文

莫音軟木耳也

本草木耳一名木櫚一名

木菌一名樹雞一名木蛾亦曰木埏齊民要術木耳

煮而細切之和以薑橘可為菹滑美 紺珠木耳桑椿
榆柳槐木上六月多雨則生桑上生白耳名桑鵝又石
耳生廬山石上似木耳 酉陽雜俎郭元振嘗山居中
夜有人面如盤瞋目出於燈下元振了無懼色徐染翰
題其頰曰久戍人偏老長征馬不肥元振之警句也題
畢吟之其物遂滅久之元振隨樵間步見巨木上有白
耳大如數斗所題句在焉

摩菇 高濂野菽品採取曬乾生食作羹美不可言竹

菇更鮮美 廣菌譜本小末大白色柔軟其中空虛俗名雞足蔴菇

芋

總論 援神契仲冬昴星中收芋 本草一名土芝一名蹲鴟 前漢食貨志卓氏曰岷山之沃野有蹲鴟至死不飢乃求遷於臨邛注芋魁狀若鴟蹲坐故名 說文芋齊人呼為莒 廣雅青烏芋也 詞林海錯康巢縣呼芋頭為天河生 東方朔傳關中土宜薑芋 翟

方進傳王莽時汝南鴻隙陂童謠曰飯我豆食羹芋魁
澄懷錄李華燒三城絕品炭以龍腦裹芋魁煨之擊
爐曰芋魁遭遇矣影燈記洛陽人家上元各造芋郎
君食之宜男女東坡集予過出新意以山芋作玉糝
羹疏譜吳郡所產大者謂之芋頭嘉定名之博羅旁
生小者謂之芋嫺夢溪筆談人有為蜂螫者按芋梗
傳之則愈海錄閣阜山僧勤種植收芋甚多杵之如
泥造擊為墻後遇飢數十口俱活呂祖謙卧游錄本

草謂芋益氣充飢惠州富此物然人食之者不免瘴此
非芋之罪也芋當去皮濕紙包煨之火過熟乃熟噉之
則鬆而膩乃能益氣充飢今惠州人皆和皮水煮冷啖
堅頑少味其發瘴固宜

詳類 廣志君子芋大如斗魁淡善芋大如瓶葉如蓋
細色紫莖又有百菓芋雞子芋車轂芋鉅子芋勞巨芋
青澁邊芋 風土記博士芋蔓生根如鵝鴨卵 益部
方物略記赤鷄芋形長而圓味最美蠻芋子繁衍搏果

芋品最下也 物類相感志野芋狀小於家芋博物志

野芋食之利人蓋藟也今江浙右生土芋狀磊砢自實
若天雷頻則多生若耕種欲取不得名之若呼芋字則
逡巡不見矣 本草旱芋山地可種水芋水田蒔之

酉陽雜俎雀芋狀如雀頭置乾地反濕置濕地反乾飛
鳥觸之墮獸食之僵造酒家以其汁封甕頭曰奚頭其
酒易醉 羣芳譜香芋形如土豆而味甘美煮熟可下
茶 後山詩話本草赭魁注黃獨肉白皮黃巴漢人蒸

食之江東謂之土芋江西謂之土卵類芋魁云酉陽雜俎天芋生終南山中葉如荷而厚

薯蕷

負暄雜錄山藥本名薯蕷唐代宗諱豫改名薯藥宋英宗諱曙改名山藥孫真人千金方薯蕷生於山者名山藥秦楚之間名玉延藝文類聚吳氏曰薯蕷一名諸薯異苑薯蕷入藥又復可食野人謂之土諸若欲掘取嘿然而獲唱名者便不可得清異錄淇薯藥稱

最大者號天公掌次者號拙骨羊又蜀孟昶月旦必素
食性喜薯藥左右因呼薯藥為月一盤 侯寧藥譜山
藥曰銀條德星 本草經薯蕷一名山芋益氣力長肌
肉除邪氣 曲洧舊聞虎頭巖在真君觀西巖北有一
谷幽深而險道人沈天休言頃年採藥其中糧絕掘山
藥煮食見一藤引蔓甚遠而葉亦特大疑其非也乃共
掘之大如柱長數尺蓋亦山藥也大莖可享半月戲目
為玉柱其後玉柱之名稍著鬻山藥者利其易售皆冒

玉柱之名然其實不知本末也 物類相感志薯蕷江
南人多植之手植則如手鉏鋤等物植之隨本物之形
狀 硯北雜志俗傳種山藥時以足按之如人足

甘藷

南方草木狀甘藷薯蕷之類葉如芋實如拳有大如甌
者蒸食味同薯蕷生朱厓海中人不業耕稼惟種甘藷
秋熟蒸曬切如米貯以充飢名藷糧外客至盛具牛豕
膾炙而末薦以甘藷若粳粟然海中之人壽百餘歲緣

食甘藷故耳 廣志甘藷剝去皮肉肥白南方以當米

穀賓客亦設之出交趾 徐玄扈甘藷疏閩廣藷有二

種一名山藷彼中故有之一名番藷有人自海外得此
種海外人亦禁不令出境此人取藷絞入汲水繩中因
得度海分種移植遂開閩廣之境兩種莖葉多相類但
山藷植援附樹乃生番藷蔓地生山藷形魁壘番藷形
圓而長其味則番藷甚甘山藷稍劣 清異錄嶺外多
藷間有發深山邃谷而得之有數十斤者味極甘香人

多自食未嘗貨於外本名玉枕藟又號三家藟 疏藟
甘藟一名朱藟一名番藟形圓而長本末皆銳質理膩
潤氣味甘平無毒補虛乏益氣力健脾胃強腎陰與薯
蕷同功久食益人氣香生時似桂花熟者似薔薇露撲
地傳生一莖蔓延至數十百莖節節生根一畝種數十
石勝種穀十二倍 甘藟疏甘藟有十二勝收入多一
也色白味甘藟土種中特為覓絕二也益人與薯蕷同
功三也遍地得生剪莖作種今歲一莖次年便可種數

十畝四也枝葉附地隨節生根風雨不能侵損五也可
當米穀凶歲不能災六也可充籩實七也可釀酒八也
乾久收藏屑之旋作餅餌勝用飴蜜九也生熟皆可食
十也用地少易於灌溉十一也春夏下種初冬收入枝
葉極盛草穢不容但須壅土不用鋤耘不妨農工十二
也

百合

吳氏本草百合一名重邁一名中庭一名重匡生宛朐

及荆山 清異錄天成中進士侯寧名百合為蒜腦諸
八閩志強瞿百合也俗呼倒仙又名玉手爐 戒菴
漫筆百合有麝香珠子二種麝香者花甚香珠子者每
葉有一黑子分百合八月中與種蒜同時同法 華夷
花木考都波不知耕稼土多百合取其根以為糧

茨菰

學圃雜疏茨菰古曰鳧茨種淺水中夏月開白花秋冬
取根食味亞於香芋 物類相感志昨實一名慈姑其

苗直而葉三角側銳若種之於水田一株十二實若年
歲之有閏則生十三子今人家池塘處處有之

荸薺

學圃雜疏荸薺即地栗種淺水吳中最盛遠貨京師為
珍品色紅嫩而甘者為上 七脩類稿荸薺淹銅過夜
即爛

壺盧

詩豳風八月斷壺注壺瓠也小雅幡幡瓠葉衛風齒如

瓠犀 埤雅似匏而圓曰壺亦曰壺盧 古今注壺盧
瓠之無柄者 本草壺酒器盧飯器此物各象其形故
名俗作葫蘆 捫蝨新話中流失船一壺千金壺蓋瓠
類也詩曰八月斷壺壺圓而善浮故腰之以渡水也

風俗通八月秋穰可以殺瓠取其色澤而堅 爾雅瓠
棲辨邢疏辨瓠中辨也一名瓠棲人之齒美者似之
彙苑瓢亦瓠也瓠其總瓢其別名也 劉氏類山青田
瓠大踰五斗剖之以水實中則成蜜 世說陸士衡兄

弟初見劉道真道真初無言直問東吳有長柄葫蘆卿
得種來否南史徐文伯祖熙隱於秦望山有道士過
求飲留一瓠齏與之熙開之乃扁鵲鏡經一卷因精心
學之遂名震海內晉公遺語唐世風俗重葫蘆醬

盧氏雜說鄭餘慶清儉一日召客會食呼左右曰處方
廚家爛蒸去毛莫拗折項諸人相顧以為必蒸鵝鴨之
類良久就餐每人前下蒸葫蘆一枚夢華錄京師八
月秋社人家婦女皆歸外家既歸即外甥姨舅皆以新

葫蘆兒為遺俗云宜良外甥 五雜組市場中見葫蘆

多有方者又有突起成字為一首詩者蓋生時板夾使
然不足異也 清異錄瓠少味無韻葷素俱不相宜俗

呼淨街槌 農書匏之為用甚廣大者可蜜煎作果可

削條作乾小者可作盒蓋長柄者可作噴壺亞腰者可

盛藥餌瓠之為物纍然而生烹飪咸宜最為佳蔬種得

其法則其實碩大小之為壺杓大之為盆盎膚瓢可以

喂猪犀辯可以灌燭舉無棄材濟世之功大矣 埤雅

長而瘦上曰瓠短頸大腹曰匏匏苦瓠甘 劉向九歎
匏蠶囊於筐簾注匏蠶匏瓢也 學圃雜疏匏子瓜類
也大而扁者可食小而長作細腰者可玩瓠子匏類也
形稍長銳上豐下味似勝之 物類相感志匏瓠蔓生
若牛踏土則苦不可食馬踏土以瓠盛酒冬月即煖夏
月即冷今種瓠處得黍穰即烟死

瓜

總論 易姤五爻以杞包瓜 詩豳風七月食瓜 曲

禮為天子削瓜者副之巾以絺 玉藻瓜祭上環註上
環謂橫切之圓如環也 大戴禮五月乃瓜乃瓜者治
瓜之辭也 說文瓜象形也瓣瓜實也 元命苞織女
星主瓜 嵇含瓜賦甘瓜普植用薦神祇其名龍膽其
味亦奇是謂土芝 爾雅𤰔𤰔其紹𤰔郭注俗呼𤰔瓜
為𤰔紹者瓜蔓緒亦著子但小如𤰔形疏瓜之族類本
有二種大者曰瓜小者曰𤰔此則其種別也而瓜蔓近
本之瓜必小於先歲之大瓜以其小如𤰔故謂之𤰔𤰔

是昀之別名 清異錄瓜子最繁故名瓜為百子瓮

龍魚河圖瓜有兩鼻者殺人 埤雅瓜性惡香尤忌聞

麝至一蒂不收 珍珠船唐鄭注赴河中姬妾百餘盡

騎香氣數里逆於人鼻是歲自京兆至河中所過瓜盡

死一蒂不獲 清異錄嘗因會客食瓜言最惡麝香坐

有延祖曰是大不然吾家以麝香種瓜為鄉里冠但人

不知制伏之術耳因求麝二錢許懷去後旬日以藥末

攪麝見送每種瓜一窠根下用藥一捻既結破之麝氣

撲鼻次年種其子名之曰土麝香 歲時記七月七日

設瓜於庭中以乞巧有喜子布網於瓜上則為得巧

留青日札七夕乞巧而陳瓜又刻鏤成花名曰花瓜

倦游雜錄山東鄉里好以醬漬瓜啗謂之瓜齏 清異

錄瓜最盛者無踰齊趙車擔列市道路濃香故彼人云

未至舌交先以鼻選 南史宋時齊武帝與到攜同從

宋明帝射雉郊野渴倦攜得早青瓜與上對剖食之

列仙傳服閭者往來海邊諸祠中見三仙人博賭瓜顧

閭使擔黃白瓜數千頭教令瞋目及覺乃在方丈山
清異錄吳越稱雪上瓜錢氏子弟逃暑取一瓜各言子
之的數言定剖觀負者張宴謂之瓜戰 唐書四月帝
憶瓜明崇儼索百錢須臾以瓜獻曰得之緱氏老人圃
中帝召老人問故曰埋一瓜失之土中得百錢云 五
代史後周王羅嘗與客食瓜削皮侵肉頗厚羅意慚之
及瓜皮落引手就地取而食之 莊子朽瓜化為魚物
之變也

詳類 月令孟夏王瓜生注王瓜色赤感火色而生

爾雅鉤藤姑耶注鉤瓢也一名藤姑一名王瓜正赤味苦蔓生葉似栝樓根似葛 學圃雜疏王瓜出燕京者

最佳其地人種之火室中逼生花葉二月初即結小實中官取以上供唐人詩云二月中旬已進瓜不足奇矣又一種秋生者亦佳閩中二三月間食入夏枯矣 草木記絲瓜一名天羅絮又名布瓜 學圃雜疏絲瓜北種為佳以細長而嫩者為美 三輔黃圖邵平為秦東

陵侯秦破為布衣種瓜青門外瓜美時人謂東陵瓜

述異記吳桓王時會稽生五色瓜今吳中有之 格物

論甜瓜畦種之葉大數寸實亦徑尺許有被白者斑斑

黃暈黃者斑斑青暈肉白光潔瓢黃色核如米糝而匾

七八月熟味甜香 學圃雜疏甜瓜以香而小者為第

一作黃綠二色豈即邵平所種五色子母瓜耶今涼州

塞外作乾條遺遠人味極甘當是此種 爾雅黃菟瓜

邢疏菟瓜一名黃苗及實似土瓜土瓜即王瓜 爾雅

果羸之實枯樓邪疏括樓今齊人謂之天瓜 格物論
一種名稍瓜形類絲瓜色白味不及也一種名冬瓜大
三尺圍長四五尺有毛綠色生自然白粉 學圃雜疏
瓜之不堪生噉而堪醬食者曰菜瓜以甜醬漬之為蔬
中佳味其結實大者無如冬瓜味雖不甚佳而性溫可
食南瓜雖有奇狀殊色僅堪煮食酷無意味 農桑通
訣浙中一種陰瓜宜陰地種之秋熟色黃如金疑即南
瓜也 裴淵廣州記有瓜冬熟名金釵 杜詩注蒲鵠

青謂瓜也 清異錄洛南會昌中瓜圃結五六實長幾尺而極大者類蛾綠其上皺文酷似蟬形圃中人連蔓移土檻貢上命之曰御蟬香挹腰綠 陸機瓜賦夫其種類則有括萋定桃黃瓠白搏金釵蜜甯小青大斑玄骭素腕狸首虎蟠東陵出於秦谷桂髓起於巫山 廣志凡瓜之所出以遼東廬江燉煌之種為美有烏瓜魚瓜縑瓜狸頭瓜蜜甯瓜女臂瓜瓜州大瓜如斛御瓜也青燈瓜一名魁瓜大如三斗桂枝瓜長二尺餘蜀地有

溫良瓜秋泉瓜 廣雅地芝瓜也其子謂之慚龍蹄

音

虎掌羊駝兔頭桂枝蜜甯瓠瓠狸頭白瓠無餘縑瓜屬

也 物類相感志石瓜出峨眉山巖壑中或云蔓生其

文斑然一若小菜瓜形取療脚氣用之足下乘碾得暖

則能已氣疾者也 事物紺珠瓜肉曰瓢瓜子曰屏有

番瓜香瓜生瓜桑皮瓜 本草經水芝是白瓜甘瓜

清異錄夷門瓜品中澱脚綃夾鵲其色香味可魁本類

也 格物論一種純青大者徑四五寸長八九寸許肉

亦帶微青色一種一握而青長亦四五寸名曰握青

異瓜 黃庭經注大霍山下有洞臺司命君之府也中

有神盤靈瓜食之心通至玄 漢武內傳西王母謂上

元夫人曰共過朱陵山食靈瓜憶此未久已七千歲矣

南岳夫人傳真人降設絳實靈瓜 六帖積石山瓜

三年一熟又大食國有尋支瓜大者十人食之乃盡

洞冥記龍肝瓜長一尺花紅葉素生於冰谷所謂冰谷

素葉之瓜瓜上恒如霜雪刮嘗如蜜滓 拾遺記漢明

帝時燉煌獻異瓜名穹隆長三尺而形屈曲味美如飴
本是崆峒靈瓜四劫一實西王母遺種於此 清異錄

遼東一處有瓜若澆沃則以酒代水實成破為十段若

殿中止有一子而長數寸食一顆可作十日糧國人珍

之名獨子青 拾遺記崑崙第三層有瓜如桂謂如桂樹也

杜陽編滄洲產分蒂瓜長二尺色如柑一顆二蒂

續漢書漢安帝時有瓜異本同蒂共生一瓜時以為嘉

瓜 舊唐書貞元四年夏右神策軍獻瑞瓜三蔓合為

一蒂而生三瓜 白六帖李融為政有祥瓜生六子而
共一蒂

筍

總論 詩大雅其藪維何維筍及蒲 周禮醢人加豆
之實筍菹魚醢 爾雅筍竹萌也又箆箭萌也邢疏即
筍也 說文竹胎也 唐詩注稚子即筍也 筍譜筍
一名萌一名弱竹一名箆一名籊一名竹胎一名竹牙
一名茁一名初篁一名竹子 埤雅俗呼筍為妬母草

言筍旬有六日而齊母也 筍譜俗呼筍為龍孫 清

異錄余為筍效傳休奕作墓誌曰邊幼節 陳景沂全

芳備祖穉龍籜龍玉版錦裯兒皆筍名也 仇池墨記

竹有雌雄雌者多筍 僧贊寧筍譜竹根曰鞭鞭頭為

筍俗謂之偽筍今吳會間八月鄉人往往掘土採鞭頭

為筍向市而鬻然終傷損春筍而且害竹母 梁簡文

七勵雜金筍之甘菹 廣博物志瑤筍十年生一芽

木玄虛四明山記雪竇山北巖有毛竹銀筍 述異記

漢章帝三年子母筍生白虎殿前 曲洧舊聞龍福寺

門外東偏有脩竹二畝餘有鼠喜食其筍寺僧於筍生

時置鼓晝夜鳴之謂之驚鼠鼓 蜀都雜抄山水稱嘉

定其地每月生筍 廣志魏時漢中太守王圖每冬獻

筍俗謂之蔽筍

蔽若怪反

筍譜採筍之法可避露日出後

掘深土取之旋投密竹器中勿令見風以巾帨拭土不

宜見水含殼沸湯瀰之煮宜久採筍一日曰薦二日曰

莢見風則觸本堅入水則浸肉硬脫殼煮則失味生著

刃則失柔採而停久非鮮也盛而苦風非藏也揀之脫
殼非治也淨之入水非洗也蒸煮不久非食也 費元
祿清課山中竹筍清遠韻勝實蔬食奇品澄羹作脯皆
失真性惟煨剝最良 筍譜或問筍有五色章米否對
曰江東黃筍間居賦有青筍閩中賦有素筍赤筍錢塘
多紫桂筍自餘斑狸細縹不可勝言大約不過青綠色
笑林漢人有適吳吳人設筍問是何物曰竹也歸煮
其牀簍而不熟乃謂其妻曰吳人輾輾欺我如此

詳類

吳都賦苞筍抽節劉淵林註苞筍冬筍也出合

浦其味美於春夏時筍 留青日札冬筍之已透風有

毛者曰猫兒頭 陸璣詩疏筍皆四月生惟巴竹筍八

月九月生始出地時長數寸鬻以苦酒豉汁浸之可以

就酒及食 南方草木狀思摩竹筍生節上筍既成竹

春而筍復生節焉 戴凱之竹譜苞竹筍味落人鬚髮

般腸竹筍殊味浮竹筍未出時掘取以甜糟藏之極甘

脆雞脰竹筍美青斑色綠 齊民要術雞脰竹名也其

筍肥美 贊寧筍譜郿竹筍長節深根冬夏皆生鄉人掘土取筍箭筍十二月生如筋大長三四寸箇箇自甌越以南七月生至八月盡燕筍其色紫苞當燕至時生天目筍五月生盡六月筍色黃出天目山端午後方採鬻竹王林筍密密冒土南地熱其筍多冬生孤竹筍襄陽薤山下有孤竹三年方生一筍及筍成竹竹母已死矣代謝如春秋焉旋味筍一名苦蒲筍出福州南春生筍煮食甚苦而且澀及停久則味還故名蕙竹筍生

海畔山有毛傷人則死泊船海嶼慎勿取毛筍食筍竹
筍長數丈漢竹筍一節可受二三斗味雖甘而澀筍
七月生至十月出縉雲以南味苦而節疎採剝以灰汁
熟煮之都為金色然後苦味減而甘釣絲竹筍下廣上
銳味甘可食發病出南越邛竹筍春生出蜀中羅浮山
亦有邛竹筍生又早中實食美慈母山筍圓緻三月生
可食筍筍皮青而肉皙白渭川筍四月方盛新婦筍出
武林山陰三月生篁筍八月生止十一月皮墨紫色其

心實人取細切鹽漬少頃以漿水漬再宿漚乾餅藏泥
封謂之筍筍此亦古之筍菹也掌摩筍南人亦藏之為
筍筍筍竹筍堅大可食自秋生至於冬末服傷筍四月
已後方出味甚美慈竹筍四月生江南人多以灰煮食
之玳瑁竹筍脫殼微有斑文匾竹筍出廬山出皆匾堪
食水竹筍出黔南管內或巖下潭水中生其筍隨水深
淺以成節若深一丈則筍出水面為一節蠻蜒採取以
為食又有篋筍蘭筍白鳥筍雲丘帝筍毛竹筍 神異

經南方荒中有涕竹筍甘美煮食之可以止創瘍清
異錄海南島中一種筍極腴厚而甚短號平頭筍衡州
人家竹林中生五筍徹梢無節目觀者神之名通天筍
新羅論迦邏島有筍曰佛影蔬中國雖大無此一種
正字通杭州筍大如桶墜地即碎南岳筍黑而肥多汁
擣成餅乾食天目廬山拳筍小黃竹筍也 紺珠樓筍
狀如魚一名木魚又潭筍鹿尾筍鷹嘴筍 范旻邕管
記有鹿頭筍 顧岍海槎錄酸筍出粵南大如臂沸湯

泡去苦汁投井水中二三日取出縷如絲醋煮可食
陳藏器本草諸筍皆發冷血及氣不如苦筍不發病

詞林海錯世傳涪翁喜苦筍嘗從斌老乞苦筍詩云南
園苦筍味勝肉坡翁嘗賦苦筍云苦而有味如忠諫之
可活國於是世以諫筍目之 王象晉竹譜淡竹筍二

月食苦竹筍五月食 丹鉛續錄扶竹之筍名曰合歡

格致鏡原卷六十三

欽定四庫全書

子部

格致鏡原卷六十四

詳校官中書臣羅錦森

侍讀臣孫球覆勘

總校官中書臣朱鈐

校對官原任典簿臣郭祚熾

謄錄監生臣葉世華

欽定四庫全書

格致鏡原卷六十四

大學士陳元龍撰

木類一

總

說文木冒也冒地而生東方之行也 逸雅木冒也華

葉自覆冒也 白虎通木觸也陽氣動躍觸地而出也

元命苞木者陽精生於陰故水者木之母也其字八

推十為木八者陰合十者陽數 周易巽為木坎其於

木也為堅多心良其於木也為堅多節離其於木也為
科上槁注堅多心謂剛中也山木堅直故多節也陰含
氣故曰科科空也為日所乾故上槁 禹貢兗州厥木
惟條揚州厥木惟喬 洪範木曰曲直曲直作酸 禮
記孟春之月盛德在木禁止伐木 周禮山虞仲冬斬
陰木仲夏斬陽木注陽木春夏生者陰木秋冬生者陽
木生山南陰木生山北 毛詩集於灌木注灌木者叢
生之木也又南有樛木注木下曲曰樛 爾雅槐木苻

婁郭璞注謂木病疋偃癭腫無枝條又枹適木魁癭注
謂樹木叢生根枝節目盤結磈磊又小枝上繚爲喬注
謂細枝皆翹繚上句者名爲喬木又無枝爲檄注檄櫨
直上 漢鄒陽傳蟠木根柢師古注蟠木屈曲之木也
詩經注枝曰條幹曰枚 埤雅木臥死爲翳立死爲
槁 列子吾處也若槩株駒注李熙曰槩豎也株駒樹
本也崔譔曰槩株駒斷樹也 六書故木中曰朱木心
紅赤因爲朱赤之朱 詞林海錯木細枝曰夔 雲仙

友議山中有王者木傍枝下垂謂之寶苗

者德化洽八方合爲一家則木連理 孝經援神契德

至於草木則木連理 京房易傳木同本異枝其君有

慶鄰邑來附者吉木生於君屋上及朝廷其君聖子木

王而有實其國有慶木生於城脅一圍以上長數丈此

謂城強其君大昌 晉中興徵祥說連理者仁木也或

異枝還合或兩樹共合 南齊書永明九年秣陵安明

寺有古樹伐以爲薪木理自然有法大德三字 事物

紺珠唐代宗時平江木中有天下太平之主六字宋太宗時瑞安民解木五片皆有天下太平字神宗時惠州木有皇帝萬歲天下太平字徽宗時武義木有萬宋年歲四字永州民析薪兩邊有天下太平字高宗時虔州民毀歌屋折柱木理有天下太平時字 文山集真州樵人破一樹樹中有生成三字曰天下趙其字青而深春渚紀聞三衢毛氏庭中一木忽中裂而紋成衍字如以濃墨書染者體作顏平原書會其子始生因以名

之後衍登第官至龍圖而終又晉江尤氏其鄰朱氏圃中有柿木高出屋上一夕雷震中裂木身亦若以濃墨書尤家二字連屬而上不知其數至於木枝細者破視亦隨枝之大小成字尤氏乞得其木作數百段分遺好事字體草勁健如王會稽書朱氏後以其圃歸尤氏云畱青日札餘杭徐第之斫後園樹破之中有上天大國四字類顏真卿書法皆木妖也亦文妖也 珊瑚鉤詩話客有獻李衛公以古木者云有異公命剖之作琵琶

琵琶槽自然有文成白鴿 事物紺珠宋真宗時斷木文
如點漆貫徹上下體若梵書又木有文成字一有北斗
七星形一有佛手形一有蛇形又木有文如龍魚鳳鶴
狀又木有文如墨畫雲氣峯巒人物衣冠狀又崇仙觀
柱有文為道士形及北斗七星象 格古要論瘿木出
遼東山西有樺樹瘿花細可愛少有大者栢樹瘿花大
而粗凡瘿蓋樹之生瘤者也北有瘿子木多是楊柳木
有紋而堅硬好作馬鞍韉子 五雜組木之有瘿乃木

之病也而後人乃取其癭瘤砢礪者截以為器蓋有癭而後有旋文磨而光之亦自可觀但有南癭北癭之異南癭多楓北癭多榆南癭蟠屈秀特北癭則取其巨而多盛而已余在燕市中見癭杯有大如斗者後在一宗室見以癭木為浴盆此以大為貴也南方磊塊百狀或有自然耳可執小僅如雞子者此以小為貴也政如北人賣大葫蘆種謂可以為舟而南人乃取如粟大者為扇墜人之好尚不同如此按劉子云梗楠鬱蹙以成縹

錦之癭則癭木之見重自古然矣 海槎餘錄黎山中

樹木產各種香黎人不解取必外人機警而在內行商
久慣者解取之嘗詢其法於此輩曰當七八月晴霽遍
山尋視見大小木千百皆凋悴其中必有香凝結乘夜
月揚輝探視之則香透林而起用草繫記取之大率林
木凋悴以香氣觸之故耳其香美惡種數甚多一由原
木質理粗細非香自爲種別也 建康實錄陳后主禎
明二年初覆舟山及松柏林冬月出木醴后主以爲甘

露之瑞俗呼爲雀錫 續博物志南方有木癡大如槩
類鼻涕近人氣則閃閃動墮人衣袂 震澤長語春秋
書木冰漢書謂之木介又云木稼王荊公詩木稼嘗聞
達官怕余在京師成化末親見之似烟非烟似雪非雪
行道茫茫尋丈不辨草樹玲瓏皆成幡幢寶蓋少壯鬚
髮盡成老翁父老云是爲木稼然其應不止達官而已
酉陽雜俎珠崖一州其地無泉民不作井皆仰樹汁
爲用 玄中記南方有炎山四月火生十二月火滅正

二月火不燃山但出雲氣而草木生枝葉至四月火燃
草木葉落如中國寒時行人以春月過此山下取此木
爲薪燃之無盡時取其皮績之爲火浣布 漢書晁錯

上書曰夫胡貉之地積陰之處也木皮三寸地寒故也

俞宗本種樹書凡木皆有雌雄雄者多不實可鑿作
方寸穴取雌木填之乃實 雷公炮炙論以桂爲丁以

釘木中其木即死 庶物異名疏說文曰栳一作栳
讀若刊 槎

識也玉篇引書隨山栳木一名木識謂隨所至林木斫

其枝以認識其道

晉書王濬爲益州刺史伐吳造船

益州木梯蔽江而下

五雜組宋時寢殿巨材謂之模

枋模枋者人立其兩旁不相見但以手摸之而已今之

皇木徑亦逾丈其最中爲棟者每莖價近萬金而舁拽

之費不與焉然川貴箐崗中亦不易得也 左傳韓宣

子宴於季氏有嘉樹焉宣子譽之 唐書太宗嘗玩禁

中木曰嘉木也 遺史記聞錢鏐臨安人里中有大木

鏐幼時常戲其下後爲吳越國王宴父老山林皆覆錦

名其木衣錦將軍 抱朴子山中樹能人語者非樹能
語也其精爲之名雲陽又山中午日稱仙人者老樹也
白澤圖老木之精狀如黑狗無尾名彭侯可烹食

尸子木之精氣爲畢方注火鳥 玄中記百歲之樹其
汁赤如血千歲之樹精爲青羊萬歲之樹精爲青牛

漢武故事上起神屋前庭植玉樹以珊瑚爲枝碧玉爲
葉華子青赤以珠玉爲之空其中如小鈴鎗鎗有聲

漢五行志哀帝建平三年十月汝南西平遂陽鄉樹仆

地生枝如人形身青黃色面白頭有鬚髮稍長大凡長六寸一分京房易傳云王德哀下人將起則有木生爲人狀 集異志晉劉曜時西明大內大樹風吹折經一宿樹忽變爲人形髮長一尺鬚眉長三寸皆黃白色有斂手之狀亦有兩脚著裙之形唯無目鼻每夜有聲十日而生柯條遂成大樹枝葉甚茂 顏真卿石柱記餘不亭侯孔愉墓在城下古木數株堅如鐵石故老相傳云愉卒後龜銜巢木植於此至今號龜銜樹 瀟湘錄

隋末長安城禁苑內一大樹冬月雪中忽花葉茂盛及凋落後結實其子光明燦然如火之照焉數日皆化爲紅蛺蝶飛去

松

總論 格物總論松樹礪礪多節皮極粗厚望之如龍鱗盤根膠枝四時青青不改柯葉春二三月抽莖生花結子 曲洧舊聞東坡在海外因試潘道人墨取紙一幅書曰松之有利於世者甚博松花脂茯苓皆長生其

節煮之以釀酒愈風痺強腰足其根皮食之膚革香久
則香聞下風數十步外其實食之滋血髓研爲膏入滴
酒中則醇醖可飲其明爲燭其烟爲墨其皮上蘚爲艾
納聚諸香烟其材產西北者至良名黃松堅韌冠百木
畧數其用於世凡十有一不是閒居不能究物理之精
如此也 抱朴子千歲松樹四邊枝起上杪不長望而
視之有如偃蓋其中有物或如青牛或如青羊或如青
犬或如青人皆壽千歲 嵩山記嵩高山有大松樹或

百歲或千歲其精變爲青牛爲伏龜採食其實得長生
金陵記芳山有野人見一使者異服牽一白犬野人
問居何地曰居偃蓋山隨至古松下而沒松形果如蓋
意使者乃松樹精犬乃茯苓耳 酉陽雜俎南康有怪
松從前刺史每令畫工寫松必數株衰悴後因一客與
妓環飲其下經日松死 曲洧舊聞中嶽頂上松幹如
插筆其間數株上巨下細枝柯如枯槎皮或剝落有半
榮者僧指云此是嶽神爲珪禪師夜移天將曉其鬼兵

懼遽倒植之而去其言雖難信而其樹亦可怪也 吳
地記松陽縣南臨大溪有松樹大八十一圍中空可容
三十人坐取此以爲名 王羲之遊四郡記永寧縣界
海中有松門西岸及嶼上皆生松故名松門 述異記
千年之松香聞十里外一名十里香 珍珠船蘇伯材
奉議云凡欲松偃蓋極不難栽時當去松中大根惟畱
四旁鬚根則無不偃蓋 酉陽雜俎欲松不長以石抵
其直下根便不必千年方偃 五雜俎凡松髡其頂則

不復長旁榦四出久即偃地矣京師報國寺有松七八
株高不過丈許其頂甚平而枝榦旁出至十餘丈者數
百莖夭矯如游龍然寺僧恐其折每一榦以一木支之
加丹堊焉好事者攜酒上其頂盤踞羣坐此亦生平所
未嘗見也 南史陶弘景特愛松風庭院皆植松每聞
其響欣然爲樂 名山記松有兩鬣三鬣五鬣者言如
馬鬣形 廬山記西嶺松如馬鬣又葉五粒者服之長
生 羣芳譜松樹老皮名赤龍皮 唐書李泌嘗取松

膠枝以隱背名曰養和後得如龍形者因以獻帝 廣
志松取枝燒其上下承取汁名松髓其松樹皮上綠衣
名艾納合衆香燒之其烟回聚清白可愛 本草松脂
出隴西如膠者善一名松膏一名松肪味苦溫久服輕
身延年松花名松黃 羣芳譜松之津液一名松香一
名松膠一名瀝青以通明如薰陸香顯者爲勝老松皮
肉自然聚者爲第一勝鑿取及鍊成者根下有傷處不
見日月者爲陰脂尤佳 抱朴子松樹三千歲其皮中

有聚脂狀如龍形名曰飛節芝 淮南子千歲之松下
有茯苓上有兔絲 十道記南嶽百里有福地松高一
千尺而蕊甘仙人可餌相傳服食鍊行之人採此松膏
而服不苦澁與諸處松別 羣芳譜松節松之骨也質
堅氣勁筋骨間諸病宜之

稱號 漢官儀秦始皇上泰山風雨暴至休於松下因
封其樹爲五大夫 東齋記事秦始皇下泰山封其樹
爲五大夫初不言其爲何樹也後漢應劭作漢官儀始

言爲松蓋松栢在泰山之小天門至幼時猶存故知其爲松也五大夫蓋秦爵之第九級如曹參賜爵七大夫遷爲五大夫是也後人不解遂謂松之封大夫者五故唐人松詩有不羨五株封之句蓋循襲不攷之過也

張勃吳錄丁固夢松生其腹上謂人曰松字十八公也後十八年吾其爲公乎後果與夢符 韻府晉法潛隱

剡山或問其勝友爲誰指松曰此蒼髯叟也 清異錄
張薦明隱樂山林有古松十餘株謂人曰予人中之仙

此木中之仙也 陶朱新錄伊陽深山中有黑松山平

高四十里其上皆大松有二株尤大一號大將軍一號
小將軍大者圍絹三疋小者圍一疋木客取材於此皆
祭之以絹政和間求明堂柱而邑官以無中程者聞既
而有人告發云大松不可出小松可取也乃命告者以
官而令佐皆謫已伐之亦不可出告者尋死今獨大將
軍尚在而小者委於山間惜哉 杭州志於潛牧嶺上
有古松一本盤錯竒怪嘗見有兄弟鬩牆欲訟於有司

夜行憩其下遲明辨色相視乃伯仲也遂各悔咎息爭而還因名松爲木長官 硯北雜志鮮于伯機嘗於廢圃中得怪松一株移置所居齋前呼爲支離叟朝夕撫玩以爲適 誠齋詩注筠州人號夾道松爲涼繖樹

名類 魯頌徂來之松 山海經大荒之中有方山上
有青松名曰拒格之松日月所出入 抱朴子天陵偃
蓋之松與天地長久 周景式廬山記石門北巖即松
林也有數百樹松大皆連拱長近二十丈攢生絕崖上

南臨石門澗澗中仰視之離離如駢麈尾號麈尾松

山川紀異翊真觀在南昌府城西南觀有二松相去五尺合爲一幹號曰義松 石湖詩注包山松多非種植風吹松子自成謂之飛松 南昌志建昌冷水觀壽松一株盤屈奇古又名掛劍松相傳許遜故事 獨異志

唐初有僧玄奘往西域取經一去十七年始去之日於齊州靈巖寺院有松一本立於庭奘以手摩其枝曰吾西去求佛教汝可西長若歸即此枝東向使吾弟子知

之及去年年西指約長數丈一年忽東指弟子曰教主
歸矣乃西迎之焚果歸得佛經六百部至今謂之摩頂
松 唐書僕骨東境其地東北一千里有康河松木入
水一二年乃化爲石其色青謂之康干石有松文 癸
辛雜識凡松葉皆雙股故世以爲松釵獨括松每穗三
鬚而高麗所產每穗乃五鬚今所謂華山松是也李賀
有五粒小松歌 酉陽雜俎松今言兩粒五粒粒當言
鬚予私第大堂前有五鬚松兩株大纔如椀甲子年結

實味與新羅南詔者不別五鬣松皮不鱗中使仇士良
水磴亭子在城東有兩鬣皮不鱗者又有十鬣者不知
自何而得俗謂孔雀松三鬣松也李德裕言三鬣松與
孔雀松別 羣芳譜三針者爲枯子松七針者爲果松
又有赤松白松鹿尾松 學圃餘疏枯子松俗名剔牙
松歲久亦生實 李德裕金松賦序廣陵東南有顏太
師猶子舊宅其地則孔北海故臺余晚春遊眺忽睹奇
木枝似檉松葉如瞿麥迫而察之翠葉金實燦然有光

訪其名曰金松訊其所來曰得於天台乃求得一本列
於平泉 晁氏墨經墨用松烟松有數品大槩松根生
茯苓穿山石而出者曰透脂松歲所得不過二三株品
惟上上根幹肥大脂出若珠者曰脂松品惟上中可揭
而起視之而明者曰揭明松品惟上下明不足而紫者
曰紫松品惟中上礦而挺直者曰籤松品惟中中明不
足而黃者曰黃明松品惟中下無膏油而漫若糖然
者曰糖松品惟下上無膏油而類杏者曰杏松品惟下

中其出歷青之餘者曰脂片松品惟下下其降此外不足品第 酉陽雜俎洛中有魚甲松 五雜組建州雲谷道中有數松盤拏蹙縮形勢殊詭余嘗過之歎其生於荒僻無能賞者又十數武石碣表於道周大書曰戰龍松朱晦翁筆也 遊茅山錄臥龍松根盤如龍枝如覆屋 海錄碎事平江學中有十題曰鼎足松其一也或云蘇子美嘗掌學命名也 五雜組楚中有萬年松長二寸許葉似側柏藏篋笥中或夾冊子內經歲不枯

取置沙土中以水澆之俄頃復活不知其所從出或云
是老苔變成者然苔無莖無根而彼莖亦如松栢有根
鬚數條未必是否也 事物紺珠五釵松榦圓銳上聳

望如浮圖一葉五釵膚理綜縝又塔松似杉而葉員細
不能高重重偃蹇如塔又石松生天台山石上如松高
一二尺 南方草木狀水松葉如檜而細長出南海土
產衆香而此木不大香故彼人無被服者嶺北人極愛
之其香殊勝在南方時

柏

總論

春秋運斗樞玉衡星散爲柏

山海經白於之

山其上多柏

埤雅柏一名栲柏性堅緻有脂而香故

古人破爲暢臼用以擣鬱

羣芳譜柏樹聳皮薄肌膩

三月開細瑣花結實成毬狀如小鈴多瓣九月熟霜後

瓣裂中有子大如麥芬香可愛柏陰木也木皆屬陽而

柏向陰指西蓋木之有貞德者故字從白白西方正色

也處處有之古以生泰山者爲良今陝州宜州密州皆

佳川柏亦細膩以爲几案光滑悅目 圖經道家多作

柏葉湯常點益人古柏葉尤奇今益州諸葛孔明廟中

有大柏木相傳是蜀世所植故人多採收以作藥其味

甘香於常柏也 集仙錄服柏便可絕粒若山谷難求

側柏只尋常柏葉但不近丘墓便可服之石上者尤好

曝乾者難將息旋採旋食尚有津潤易益人 列仙傳

廣成子食柏實齒落更生 崔實月令七月收柏實

范子計然柏脂出三輔上價升七十 清異錄同光中

秦隴野人得柏樹解截爲版成器物置密室中時馨芳
之氣稍類沉水初得而焚之亦不香蓋性不宜火此淺
色沉耳 水經注魯郡孔子舊廟有柏二十四株歷漢
晉其大連抱土人崇敬之莫敢犯 寰宇記真源縣老
子堂前有雙柏樹左階之柏久枯煬帝大業十三年忽
從根生一枝聳幹三丈三尺枝葉青翠唐武宗二年更
生一枝直上五尺橫枝兩層枝葉相覆異於常樹 從
征記泰山廟中柏皆二十餘圍夾兩階赤眉嘗斫一樹

見血而止今芥瘡猶在 齊書王宴爲員外郎父普曜
齋前柏樹忽變成梧桐論者以爲梧桐雖有棲鳳之美
而失後凋之節宴後果不能善終 墨客揮犀壺山有
柏木一株長數尺半化爲石半猶是堅木蔡君謨見而
異焉因運置私第余在莆陽日親見之 漢書東方朔
傳柏者鬼廷也師古注鬼神尚幽闇故以松柏之樹爲
廷府 風俗通墓上柏樹路頭石虎周禮方相氏入墟
毆魍像以其好食亡者肝腦不能當令方相立於墓側

而魍像畏虎與柏故樹柏立虎 魏了翁經外雜鈔秦

始皇避雨封松爲五大夫而樊宗師絳守園亭記后山

柏詩皆以柏爲蒼官 五雜組嵩山嵩陽觀有古柏一

株五人聯手抱之圍始合下一石刻曰漢武帝封大將

軍人但知秦皇之封松而不知漢武之封柏也 河南

志嵩山天封觀有古柏三株唐武后封五品大夫陰百

餘步俗云大小將軍

名類 拾遺記始皇起雲明臺得葱巒錦柏 抱朴子

大谷倒生之柏與天齊其長地等其久也 南齊書九

巖山後漢龍丘萇隱處也山多龍鬚柏望之五采 本

草乾陵之柏異於他處其木未有無文理者而其文多

爲菩薩雲氣人物鳥獸狀極分明可觀有盜得一株徑

尺者可直萬錢關陝人家多以爲貴宜其子實最佳也

酉陽雜俎唐太常博士崔石云汝西有練溪多異柏

及暮秋葉斂俗呼合掌柏 賈氏談錄李德裕平泉莊

有珠子柏實皆如珠子連生葉上香聞數十步 崑山

縣志南宋時高麗進陰陽柏二株初僅二尺種之永懷
寺殿庭左右久之高與殿等每左花則右實右花則左
實 老學庵筆記眞宗有龍柏花詩李文饒平泉草木
記有藍田龍柏宋子京又有眞珠龍柏詩予未嘗見也
或云出廊坊間 地理志華山生文柏 廣志柏有續
柏有計柏 山海經敏山有木焉其狀如荆白華而赤
實名曰薊音計柏服者不寒 格物總論一種名側柏葉
大不相類如鋪茸細細相比 天中記龍女山多紫柏

華陽志云梁泉有紫柏坂 海錄碎事負霜柏一作宜

霜柏 方輿勝覽昭化驛有古柏土人呼桔柏 李德

裕柳柏賦序此郡有柳柏風姿濯濯宛若美楊而冒霜

停雪四時不改 花木考竹柏生峨眉山中葉繁長而

澤似竹然其幹大抵類柏而亭直 桂海虞衡志石柏

生海中一幹極細上有一葉宛似側柏扶疎無小異根

所附著如烏藥大抵皆化爲石矣此與石梅皆奇物海

濱人常得之

栴附石楠

羣芳譜栴生南方故又作楠黔蜀諸山尤多其樹童童
若幢蓋枝葉森秀不相礙若相避然葉似豫章大如牛
耳一頭尖經歲不凋新陳相換花黃赤色實似丁香色
青不可食榦甚端偉高者十餘丈粗者數十圍氣甚芬
芳紋理細緻性堅耐居水中子赤者材堅子白者材脆
年深向陽者結成旋紋爲鬪栴楠鬪一作榦格古要論榦
栴楠出西蜀馬湖府紋理縱橫不直中有山水人物等

花者價高四川亦難得香楠色黃而香故名宜刊牌扁
博物要覽楠木有三種一曰香楠一曰金絲楠出川
峒中水紋有金絲向明視之的皪可愛一曰水楠色青
而質甚鬆如水楊惟可作桌櫬之類 六書故黃貫楠
宜雕刻爲木偶者用之 潯陽記黃金山有柟樹一年
東邊榮西邊枯一年西邊榮東邊枯年年如此張華所
云交讓樹者是也 溪蠻叢笑蠻地多楠有極大者剡
以爲舟 五雜組楠木生楚蜀者深山窮谷不知年歲

百丈之幹半埋沙土故截以爲棺謂之沙板佳者解之
中有文理堅如鐵石試之者以暑月作合盛生肉經數
宿啓之色不變也然一棺之直皆百金以上矣 珍珠
船真多市有楠木其竅若七星之狀李八百妹躡其竅
而上仙後立星楠觀

石楠 格物總論石楠葉如枇杷有小刺凌冬不凋春
生白花秋結細紅實人多移植庭宇間陰翳可愛不透
日氣 南方記石楠樹野生二月花色仍連著實實如

燕卵七八月熟人採之取核其皮中作肥魚羹和之尤
美出九真 丹鉛總錄李白詩風掃石楠花曲阜古城
顏回墓上有石楠二株大三四十圍土人云顏子手植
之木 太真外傳上發馬嵬行至扶風道旁花畔見石
楠樹愛玩之因目爲端正樹蓋有所思也

樟

相如賦梗柟豫章師古注豫即枕木章即樟木二木生
七年乃可分別 格物總論豫章大木也樹身數十圍

高十餘丈根盤枝錯榦聳枝膠皮厚而粗葉硬而滑香
烈味辛文理爛斑南方多有之 木譜豫一名烏樟一

名枕 本草陳藏器曰枕生南海山谷作舸船次於樟

李時珍曰釣樟即樟之小者莖葉置門上辟天行 搜

神記吳先主時陸敬叔爲建安郡太守使人伐大樟樹
不數斧有血出樹斷有物人面狗身從樹中出敬叔曰

此名彭侯乃烹食之 花木考壽樟在建昌縣治南宋

黃庭堅記項安世作壽樟亭初邑人李左司公懋仕於

朝高宗嘗問樟公安否奏以枝葉婆娑四時常青何萬
幾之暇眷眷乎遐方一樟哉 明興雜記神木廠所苦
大木皆永樂中肇建宮殿之賸物也其最巨有樟扁頭
者圍二丈長臥四丈餘騎而過其下高可以隱近年覆
比不時風雨震淋朽腐已侵半矣當時殿閣之用如扁
頭類吾不知其幾注樟木其頭扁者蓋當時穿之以施
拖拽力也廠中惟此木最鉅守廠者特以樟扁頭呼之
故入者必觀焉 荊州記山陽縣豫章木可伐作鼓鑿

酉陽雜俎樟木江東人多取爲船船有與蛟龍鬪者
粟苑詳註按樟樹最大可鋸爲桌面及爲船熬其汁
可爲腦置水上火燃不熄結子可榨爲油俗取其木以
塑像江南多生之 胡演升煉方樟腦用樟木新者切
片井水浸三日夜入鍋煎之柳木枝頻攪待汁減半柳
上有白霜即濾去滓傾汁入瓦盆內經宿自結成塊也
附 庶物異名疏博物志云占斯解狼毒李當之云是
樟樹上寄生樹大銜枝在肌肉今以胡桃皮爲之非真

也按桐君采藥錄生上洛是木皮狀如厚朴色似桂白其理一縱一橫李時珍曰占斯范方注謂之良無極劉涓子鬼遺方謂之木占斯而別錄一名炭皮

桑

總論 典術桑木者箕星之精神木也蟲食葉爲文章人食之老翁爲小童 周易繫於苞桑注苞桑言固也禮月令季春命野虞無伐桑柘 史記齊魯千畝桑其人與千戶侯等 格物總論桑樹大者數圍高一二

丈許皮粗枝幹修竦春正二月抽條發葉葉大者盈尺
有刻缺面深綠而光 俞宗本種樹書浙間植桑斬其
葉而植之謂之稼桑却以螺殼覆其頂恐梅雨侵損其
皮故也二年即盛 汜勝之書種桑五月取椹著水中
濯灑取子陰乾之肥田十畝荒久不耕者善好耕治之
黍椹子各三升三合和種之黍桑俱生鋤之令稀疏調
適黍熟穫之桑生正與黍高下平因以利鎌歷地刈之
曝令燥放火燒之桑至春生一畝食三箔蠶 種樹書

桑以構接則桑大根下癭龜甲則茂盛不蛀 呂氏春

秋伊尹之母居伊水之上孕夢有神告之曰日出水東走無顧明日視日出水告其鄰東走顧其邑盡爲水身因化爲桑有莘氏採桑得嬰兒空桑之中獻之於君君令乳之 晉書永嘉二年冬項縣桑樹有聲如解材人謂之桑樹哭 見聞錄南唐末年溧水天興寺桑生木人長六寸如僧狀右袒而左跪衣袂皆備其色如純漆可鑑謂之須菩提縣掇置龕中以仁壽節日來獻烈祖

驚異迎置宮中奉事甚謹 五代史會同二年契丹南
掠邢洺磁至於安陽河焚剽殆盡契丹見大桑木罵曰
吾知紫披襖出自汝身吾豈容汝活耶束薪於木而焚
之 東都事略范純仁知襄城縣有惠愛課民種桑民
號其桑為著作林 河圖括地象有民食桑二十七年
而化九年生翼 本草桑根白皮出見地上名馬領勿
取毒殺人桑根旁行出土上者名伏蛇治心痛桑花一
名桑蘚一名桑錢生桑樹上白蘚非桑椹花也 異苑

老桑木字曰子明

名類 王盤農書桑種甚多不可徧舉世所名者荆與魯也荆桑多椹魯桑少椹葉薄而尖其邊有瓣者荆桑也凡枝幹柔葉堅勁者皆荆之類也葉圓厚而多津者魯桑也凡枝幹條葉豐腴者皆魯之類也荆之類根固而心實能久遠宜為樹魯之類根不固心不實不能久遠宜為地桑然荆之條葉不如魯葉之盛茂當以魯桑條接之則能久遠而又盛茂也魯為地桑而有厭條之

法傳轉無窮是亦可以久遠也荆桑所飼蠶其絲堅韌中紗羅用禹貢稱厥篚縑絲注曰魯桑之類宜飼大蠶荆桑宜飼小蠶齊民要術曰收椹之黑者剪去兩頭惟取中間一截益兩頭者其子差細種則成雞桑花桑中間一截其子堅栗則枝條堅強而葉肥厚將種之時先以柴灰掩揉次日水淘去輕秕不實者曬令水脉才乾種乃易生 本草李時珍曰桑有數種白桑葉大如掌而厚雞桑葉細而薄子桑先椹而後葉山桑葉尖而長

以子種者不若壓條而分者

黃省曾蠶經有地桑出

於南潯有條桑出於杭之臨平

爾雅邢昺疏女桑一

名棧桑今俗呼桑樹小而條長者爲女桑樹詩豳風七

月云猗彼女桑是也

種樹書白桑得繭厚而堅絲每

倍常桑葉生黃衣而皺者號曰金桑非特蠶不食而木

亦將槁矣

拾遺記員嶠山有木名猗桑煎樾以爲蜜

山海經宣山有桑大五十尺其枝四衢赤理黃花青

葉名曰帝女之桑郭註四衢言交互四出婦人主蠶故

以名桑 廣異記南方赤帝女學道得仙居南陽崕山
桑樹上正月一日銜柴作巢至十五日成或作白鵲或
作女人赤帝見之悲慟誘之不得以火焚之女即昇天
因名帝女桑 十洲記扶桑在碧海中上有天帝宮東
王所治樹長數千丈兩兩同根更相倚依故曰扶桑仙
人食其椹體作金色其樹雖大椹如中夏桑椹也稀而
赤色九千歲一生實味之絕香 齊書扶桑國在大漢
國東二萬餘里土多扶桑葉似桐初生如筍國人食之

實如梨而赤績其皮爲布亦爲綿爲紙 拾遺記窮桑
者西海之濱有孤桑之樹直上千尋葉紅椹紫萬歲一
實食之后天而老 述異記空桑生大野山中爲琴瑟
之最者空桑也 神異經東方有樹焉高八十丈敷張
自輔其葉長一丈廣六七尺名曰桑其上自有蠶作繭
長三尺繅一繭得絲一斤有椹焉長三尺五寸圍如長
此是偃桑但樹長大耳 爾雅檿桑山桑注似桑材中
作弓及車轅 唐書南詔永昌之西野桑生石上其材

上屈南向而下植取以爲弓 事物紺珠雲桑密縣山
野生樹枝葉皆類桑但葉如雲頭花木藥細青黃色
附 庶物異名疏本草云桑上寄生其實明目輕身通
神一名寄屑一名寓木一名宛童一名蔦陸璣云葉似
當盧子如覆盆子赤黑恬美圖經云寄生是烏鳥食物
落子枝節間感氣而生葉似橘而厚軟莖似槐皮而肥
脆三四月開花黃白色六七月結實黃色如小豆

柘

格物總論柘樹高大如桑枝條婀娜葉大如掌 草木

狀柘宜山石 蠶書柘葉飼蠶其絲作琴瑟弦清響勝

凡絲 周禮冬官弓人辨六材柘爲上 清異錄張曲

江里第之側有古柘嘗因狂風發其一根解爲器具花

紋甚奇人又以公之手筆冠世目之曰文章樹 古今

注柘實曰佳 音錐 本草奴柘生江南山野似柘節有刺

冬不彫葉可飼蠶

木棉 附草本木棉

張勃吳錄交趾安定縣有木棉樹高丈餘實如酒杯皮
薄中有如絲棉者色正白破一實得數斤可作布 羅
浮山記木棉正月則花大如芙蓉花落結子方生棉方
葉耳子內有棉甚白蠶成則熟南人以爲緼絮 丹鉛
總錄南中木棉樹大如抱花紅似山茶而莖黃花片極
厚非江南所藝者 瑯琊代醉編續博物志云閩中多
木棉植之數千株採其花可紡爲布李商隱詩木綿花
發鷓鴣飛王叡詩紙錢灰出木棉花舊云木棉即今之

班枝花也棉花種爲番使黃始所傳今廣中立祠祀之
沈黃門炤曰番中有青黃白三種今特傳其白者耳

張七澤梧潯雜佩木棉一名瓊枝其高數丈樹類梧桐
葉類桃而稍大花色深紅類山茶春夏花開滿樹望之
爛然如綴錦花謝結子大如酒杯絮吐於口茸茸如細
毛舊云海南蠻人織爲布名曰吉貝今第以充裯褥取
其軟而溫未有治以爲布者潯梧間亦多有之但土人
未嘗採取隨風飄墜而已 王世懋閩部疏木棉花者

高樹丹花若茶吐實蓬蓬吳中所謂攀桂花也楊用修
具載丹鉛以爲異曰雲南霑益州有之聞嶺廣尤多不
知惠安志已載此樹名爲攀桂花楊乃曰班枝花與吳
中攀枝花蓋三名實一物也花品不當綿花僅堪絮褥
耳

草本木綿 羣芳譜木棉春月以子種稻似木葉綠似
牡丹而小花黃如秋葵而葉單幹不貴高長枝最喜繁
茂結實三稜青皮尖頂纍纍如桃北人呼爲花桃熟則

桃裂而絨現其絨如薦毳較諸絲續雖不無少遜然而用以絮衣甚輕暖子如珠可以打油油之滓可以糞地桔甚堅堪燒葉堪飼牛其爲利益甚溥南方煥一種可活數歲中土須歲歲種之其類甚多江花出楚絨二十而得五性强緊北花出畿輔山東柔細中紡織絨二十而得四浙花出餘姚中紡織絨二十而得七更有數種曰黃蒂穰蒂有黃色如粟米大曰青核核青細於他種曰黑核核純黑色曰大衣核白而穰浮此四種二十而

得九黃蒂稍強緊餘皆柔細中紡織又一種紫花浮細而核大絨二十而得四時布製衣甚朴雅士紳多尚之又有深青色者亦奇種其傳不廣擇種須用青核等爲佳或曰恐土脉不宜不思木棉始出南海諸國今何以遍中土也 正字通通雅曰吉貝即劬貝木棉樹也古無木棉種所謂絮皆繭絲唐有木棉花詩李琮詩腥味魚中墨衣裁木上棉是也南史古貝即吉貝吉譌作古梁武有木棉阜帳似草者名古終一種班枝花樹高大

花中綿軟白可爲縕絮及毛布俗呼攀枝花生中原者
小今嶺南木棉樹高數丈春開紅花即攀枝之類也外
國紡爲布曰吉貝丘文莊鄧盱江皆謂元時入中國誤
陶九成曰松江烏泥涇種木棉黃道婆自崖州來教以
紡織此即今棉花實大如桃中有綿縣有白紫二色外
國志劉宋元嘉時伽毗黎獻吉貝等物占城亦出吉貝
又佛書謂之睽婆又曰迦婆羅劬貝也即木棉樹時珍
獨以爲古貝據劬貝當从吉貝爲近孟康言閩中呼棉

花爲吉貝 史炤釋文木棉江南多有之以春二三月
下種既生須一月三薈至秋生黃花結實及熟時其皮
四裂其中綻出如綿土人以鐵鋌碾去其核取如棉者
以竹爲小弓長尺四五寸許牽弦以彈綿令其勻細卷
爲筒就車紡之自然抽緒如縲絲狀織以爲布 松江
府志凡木棉多收利倍於粟其爲用擊花成絮紡之成
紗織之成布其查核榨之成油俱切民用其花以棉大
核細者爲佳經霜後開者謂之輦花不貴之矣花實方

結尚青者俗呼花鈴子其方莖末花者曰花盤穰之晚
結無棉者曰僵囊 閩部疏昔聞長者言廣人種棉花
高六七尺有四五年不易者余初未之信過泉州至同
安龍溪間扶搖道旁狀若榛荆迫而視之即棉花也時
方清和老榦已着瘦黃花矣 梧潯雜佩吾松以棉布
衣被天下而棉花之來莫詳其始相傳謂種出西番元
時始入中國按通鑑梁武帝送木棉阜帳史炤釋文所
言即今之棉花無疑矣但今製彈綿之弓以木爲之長

六尺餘則與古稍異耳謂起自元時非也

格致鏡原卷六十四